



22222

kal. komp.



Mag. St. Dr.

P

Korzybskiński Kaz.

Scholar. Piar. Patrescov. Coll: Volumen magnorum  
operum unius litera orbem pro bonum info-  
mans - Stanislas Warzycki dedicatum.

PANEG. et VITAE  
Polon. Fol.  
Æ 1552



Biblioteka Jagiellońska



stdr0004644





VOLUMEN  
MAGNORUM OPERVM  
Vnicâ Literâ Orbem Polonum  
I N F O R M A N S,

In duos Tomos

D I V I S U M,

&

ILLUSTRISSIMO DOMINO  
D. STANISLAO  
IN WARSZYCE

WARSZYCKI

Capitaneo Lanciciensi, ad Tri-  
bunal Regni Deputato Judici.

In solenni Capitaneatûs sui ingressu

A Subjectissimo Scholarum Piarum Petricoviensi Collegio

D E D I C A T U M

Anno Sapientiæ Increatæ 1689.

VARSAVIÆ, Typis Collegij Scholarum Piarum.



# In Avitum Stemma Illustrissimæ Domûs WARSZYCCIANÆ.



BIBLIOTH. UNIV.  
JAGELLONICAE

22222 III

Vnica quantumvis, sed multi litera sensus  
Inq; satis magnum sola volumen abis,  
Ex hoc multa potest studiosus discere lector  
Dum non tam verba, ut grandia facta leget.

*Franciscus Dzierżawski*  
Scholarum Piarum Alumnus.





PRÆFATIO  
AD ILLUSTRISSIMUM  
CAPITANEUM.

**V**olumen Tibi offerimus  
Magnorum operum, sed  
Tuorum ILLUSTRIS-  
SIME DOMINE. Ali-  
ud quidem & immediatè præce-  
dens Dominica Lætare, & solen-  
nis Tuus in Capitaneatum Lan-  
ciciensem ingressus à nobis requi-  
rere poterat: sed nihil facilius à  
Scholasticis expectes, quibus Do-  
mestica Litera Tua similem de-  
dit materiam, quæ duobus hîc  
Tomis inclusa, est in Orbe Polo-  
no plenis expressa bibliothecis.



Per hanc (si rectè ponitur) Viros  
vos esse cognoscim⁹, si invertitur,  
Magnos; semper tamen WAR-  
SZYCCIOS. Hæc non verbis,  
sed factis Lectorem instruit, & li-  
cet magnas tam domestici deco-  
ris, quàm Cōjunctarum Familia-  
rū in se continet lineas, non alio  
tamen præterquā indelebili He-  
roicæ Virtutis expressas chara-  
ctere. Patieris igitur Tua Tibi  
offerri ILLUSTR: DOMINE,  
in quib⁹ rem non verba pōderes,  
materiā, non Authorē æstimes;  
& dum omnia perlegeris, etiam  
hoc tam ex hac pagina, quàm ex  
cordibus nostris legito, quòd sit.

ILLUSTRISSIMO NOMINI TUO

*Deditissimum*

Coll: Petricoviense Schol: Piarum.





# PANEGYRICUS

**P**Aucis multa complecti, & ex unico  
argumento plures educere materias,  
quidpiam humano ingenio majus est  
ILLVSTRISSE DOMINE. Ni-  
mirum & facundia subinde in loqua-  
citatē abit, & Orator garruli no-  
men vix effugit, ubi debitæ, res inter ac verba defe-  
ctus notatur proportionis. Semel in tota æternitate  
locutus DEVS, nemo tamen plura, vel meliora di-  
xit; tam facundus in uno verbo, quàm elingues alij  
in multa farragine. Infinita sapientia duabus literis  
Alphâ & Omegâ inclusa, grandem huic universo  
proposuit eruditionem. Non rarò deficit ingenio,  
qui verbis abundat; & plerumq; dum aures captat,  
longè est ab assensu. Optima dicendi æqvè ac scri-  
bendi methodus est, nucis putamini Iliadem inclu-  
dere, & finito discursu novam illius famem in ani-  
mis excitare. Ad hanc normam editū volumen est,  
magnorum in Republica Polona meritorum unicā  
eāqvè Illustrissimæ Domus Tuæ gentilitiā literā orbē  
informans; quòd si de condigno tractari deberet,  
grandem in bibliothecam abiret, adeoqvè, ut& tem-  
pori, & Tuæ, quā laudes fugis modestiæ, provideat,  
summatim solummodo in duos Tomos dividetur.



# TOMUS PRIMUS

**A**D constitutionem totius certas requiri partes manifestum est; cum & ipsum tempus licet nihil certius præter nunc contineat præsens, non incongruè tamen præterito æquè gaudet ac futuro. Nec derogatur illi per hoc, quod præterijt: nec in ambiguum vocatur, quod succedit. Quin imò vtcunq; esse desierint, semper tamen dulcis recordatio præteritorum. Nempe præteriti ratio forma quædam est futuri, ut si quid feliciter successerit, hoc ipsum securo exemplo affectari; sin secus, commodius possit evitari. Nihil decrescit per hoc magni sanguinis arbori, licet unus aut alter ex ea fructus decerpitur, imò si fatale manū extendere præsumat Proserpina etiam in ramum, uno avulso non deficit alter. Ita quippe per heroicam genesim succedere sibi creduntur Magna Nomina, ut ipsis quoque sæculis emineant in successura posteritate. Adeo non minuet id decorem Tuum Illustrissime Domine licet ad solennes Tuos applausus institutum volumus hoc, primo Tomo lugubrem Majorum Tuorum memoriam contineat, quod nulli unquam subiacere posse oblivioni palam est. Augent nimirum nativum splendorem Illustrissimæ huiusmodi ceræ, & ubi præsentem junguntur sereno, indices sunt claritatis nullo posthac turbine factorum extinguendæ. Antequam tamen paginam exornent huiusmodi decora, licet prodromam eorum originem per modum præluj revocare.

Communem naturæ legem superant, & quando in nobis sui venerationem excitant, quæcunq; orationis debemus. Non enim omnia vulgari gaudent initio, nec eadem omnibus essentia ratio: alijs esse sufficit, alia simul & esse, & prodesse videmus, ad



hæc excellentiori quodam modo antequam producit  
natura, certis prius utitur præfagijs: sic viliores fun-  
gos absq; omni prævio contemplamur indicio, fru-  
ctus autem rariores antequam fecunda producat ar-  
bor, gemmis primò futuri partus valorē æstimandū  
proponit, folia demum grande aliquid notatura ex-  
plicat, floribus tandem vndeque contegitur, &  
quo potest modo letitiam suam videtur explicare.  
Non alia methode vestrum quoq; insigne Orbi Po-  
lono innotuit, aliquantisper sub involucri latente  
veritate, donec per os Augustum divulgaretur. Pa-  
tuitq; tunc Cæsarem illum rem non verba locutum  
fuisse, quanquam nihil simile cogitantem. Symbo-  
lum æternitatis annulus ille Imperatoris injectus  
Gazæ, nec metas rerum, nec tempora Vestræ gloriæ  
imposuisse credebatur, nec aliter compensari potu-  
it, quàm debita gratiarum profusione. ubi non ob-  
scurum erat, quanquam exoticum idioma Patrij de-  
coris Vestri indicium, subito scilicet inter Sarmatica  
insignia referendum. Et præcipua quidem dotis  
huius Sors cecidit super MATTHIAM WARSZY-  
CKI Ensisferum Lanciciensem, qui non sine omine  
ferro gestando destinatus, ut nimirum constaret o-  
mnibus, hoc solummodo metallum placere illis He-  
roibus, quibus aurum spargere propemodum conna-  
turale. Sed neq; hoc absq; prodigio, quod huius  
loci Ensisfer heros hic fuerit, cuius Tu Illustrissime  
Domine dignissimus Capitaneus es; prælusisse scili-  
cet ille honori Tuo voluit, & commisso posthac li-  
cet post longa tempora eodē munere ILLUSTRIS-  
SIMO PARENTI Tuo quodammodo visus est innu-  
ere, Tibi quidem iure merito munus hoc, non tamē  
sine prævia huiusmodi pompa conferendum. Sar-  
maticum pugilem hunc, suus deinde sequi debuit  
exercitus in Illustrissima progenie, ac primò non



degeneri passu Polonum Æneam comitatus Ascani-  
us IOANNES WARSZYCKI, vir etiam sub rigida  
Martis educatione graciosus, quia Patriæ amantissi-  
mus, quam non prius heroicè defendere, quam vi-  
vere desijt; & ubi pugnacem per vulnera effudit a-  
nimam, etiam post fata non uno ore amorem testa-  
tus in eandem. Grandem hanc Orbis Poloni jactu-  
ram compensavit Illustrissimus S T A N I S L A V S  
WARSZYCKI, Regni Thesaurariusne dicam an  
Thesaurus? decidant illi, quos non latent Poloniae  
fasti. Ingens erat huius viri pretium, non vulgari a-  
liquo, sed Regio Sigismundi III. probatum iudicio.  
Declaravit non semel Lechicus Alexander, quam  
gratus illi fuerit hic Ephestio, postquam in partem  
Regiæ curæ assumptus, probavit se non indignum,  
qui tantæ placeret Majestati. Nec verò placere sa-  
tis erat illi, qui in multis negotijs etiam prodesse in  
lucrum reputabat. Rebellis tunc erat suo non tam  
Regi quam Parenti Svecia, magno seditionis authore  
Carolo Sudermanno usa: avitum ius Regni Sigis-  
mundo eripere voluit, quod hæreditas dedit. Et ob-  
stupuere tunc ad subitanæ Leonis & Aquilæ di-  
scordiam Superi, quòd apud se in huiusmodi ani-  
mantibus nihil simile notaretur; nisi forte jam tunc  
alas huic volucris invidebat ferox nimium bellua,  
quas etiam crudeliter non multò post de-  
plumavit. Inventus tamen qui tantam audaciam  
confunderet STANISLAUS, ostenditq; suum Po-  
loniæ non deesse Alcida, qui efferas hæc feras op-  
timè nosset cicurare. Non illum itineris mole-  
stia, non pelagi furores à propositis dimovere pote-  
rant, haud ignarum scilicet: agere & pati fortia, ut  
olim Romanorum, ita nunc esse Polonorum. Tantis  
igitur experimentis probato STANISLAO non du-  
bitavit thesaurum Regni committere Sigismundus,  
cui



cui cor pridem commiserat, fideliorē ad hoc munus dispensatorem vix invenisset illo, qui dum se totum Patriæ impendit ministerio, etiam necessitates illius frequentius de proprio, quàm de publico ærario sublevabat. Tandem ad illos thesauros, quibus non ditior sed melior evaderet, animum convertens, quietiorem vitam elegit in Palatinatu Podlachia; quanquam & ibi consveta Reipublicæ nunquā denegavit obsequia, quibus immortalis ingens sui desiderium reliquit posteritati. Ac nequē hīc avida Heroum triumpharunt fata, & virilem tanti ausus ultionem experta in ANDREA WARSZYCKI Succamerario Siradiensi, qui & ipse vir, & tot virorum Parens, imō aureus genitor, non plumbeos in lucem filios edidit, quibus non secus ac firmissimis columnis Polonus orbis diutissimē sustentabatur. Et quidem ADAMVS WARSZYCKI Succamerarius Lanciciensis primus Paradyfi hæres, omnis in eo doli expertes socios nactus PAULVM Mazoviæ Palatinum, STANISLAVM Castellanium Cracoviensem, quorum ultimus ipsā sui memoriā silentium Oratoribus indicit, quia omni elogio major; Senatus Lechici antesignanus, non minus consilio, quàm auxilio clarus, sæpius ostendit, quid à suo Cive Republica, quid à Filio requirat Patria; liberalitatis exemplar, quæ ad ipsos Principes quandoquē pertingeret. Illud quippe ingenium est Fortunæ, ut summos quoque aggredi non recuset, quasi jam communis cum viliori plebe conflictus pertæsa, explorare aliquando non dubitat, quid etiam possit in potentes. Patuit similis eiusdem progressus regnante Serenissimo IOANNE CASIMIRO, hunc quandoquidem Supremum Regni caput non ignorabat esse, per viscera & alios artus proprios constituit adoriri, non ignara, & caput quoque labi posse, nisi brachio vel ma-



nu fulciatur, & vtcunq; sanum sit totum corpus, ad  
vnicam tamen vel minimi digiti læsionem commo-  
veri. Arduus nimium tunc in scyrpo Regio nodus  
fuerat, ubi intra confinia Regni acrius sævitum in  
Cives, quàm in hostes alibi; & iam prope in Pharfa-  
liam abierat Polonia, in qua graves fortè quorun-  
dam noxas plectentibus Superis, exploso pridem Iulij  
ac Pompeij cæco furore bella geri placuit nullos habi-  
tura triumphos: iterum hinc insolens audacia STANI-  
SLAVM reddidit attonitum, innata nihilominus  
prudencia adeò circumspectum fecit, vt neq; à li-  
bertate abiret, nec peccaret in maiestatem. Condo-  
luit nimirum optimus Senator funestæ cladi, & quod  
poterat, non neglexit remedium ministrare. Scili-  
cet ea cælitum indoles est, vt nunquàm sæviant,  
quin aliquam solatij subministrant occasionem; hanc  
in turbido illo Polonorum statu IOANNES CASI-  
MIRVS cum sua LVDOVICA cunctisq; Aulæ Pro-  
ceribus, non aliam habuere præter STANISLAVM.  
Testis est exhibitæ afflictis Principibus munificentia  
arx ejusdem hæreditaria dicta Dankow vel à dando,  
vel à Gratijs, & præcipua quadam WARSZYCCIA-  
NÆ dexteritatis expressione. Dicerem pergama fu-  
isse Sarmatica, nisi meliorem nacta fuissent Hectorē,  
nec Myrmidonum Dolopumvè perfidia, nec vllius  
Achillis ferociæ succumbentem. Quid memorem  
cætera huius viri tam in patriam, quàm in omnes me-  
rita, nulla virtus est, quàm ille ignorasset: omnibus  
omnia factus, pietatem, & literas non amavit solū-  
modo, sed omni promovit conatu, illam tam in ore,  
quàm in corde conservans perpetuò, nullum ex do-  
mesticis ab eadem alienum passus; his quàm addi-  
ctus fuerit, abundè Cracovienses testantur Athenæ,  
nec non Varfavienses Scholæ Piæ comprobant di-  
gnissimum hunc Senatorem perenni Scholasticorum  
omni-



omnium memoriâ iure merito conservandum. Adeoq; quidquid ab his de eodem dicitur, minus est; hoc vnicum ad laudes ejus sufficit, quòd parem magnitudini gestorum suorum nec habuerit, nec habiturus unquam Encomiasten. Nemo quippe veras virtutes condignè laudavit, quæ si laudibus attolli non possent, virtutes non essent: ille duntaxat eas laudare posset, quoniam novit exprimere. Et jam nos hic primum voluminis Tomum claudimus, ubi **WARZYCCIANVS** Honor altius (si coronam excipias) excrefcere non potest, quanquam ut huius etiam esset particeps Senator dignissimus, ad superiores abiit coronandus; hoc unico maximè contentus, quòd Te Illustrissime Domine, & nominis hæredem reliquerit & virtutis.

## T O M U S S E C U N D U S

**I**ffe multorum est, & habere corpus, vivere ad paucos venit. Grandem in hoc iniuriam sustinente natura, ut cum omnibus æqualiter per causas inserviat, inæqualem in plurimis effectum experiatur. Non omnia quippe vivunt, quæ vivere censentur. Nam, ut alia præteream; etiam ex hominibus sunt, quibus in solo est vivendi causa palato, & per hoc à brutis non differunt. Animata potius cadavera, non homines vivos dixerim, quos nullus gloriæ sensus afficit, nullus famæ vigor recreat. Corpus ipsum in similibus vivum animæ sepulchrum est, in quo penitus jam sepulta, esse quidem utcunq; creditur, non tamen operari. Ars artium est, nosse vivere; non quemadmodum vivitur, sed quemadmodum vivendum est. Nôrunt quidem hoc, sed pauci admodum, & non nisi quos æquus amavit Iupiter, aut ardens evexit ad æthera virtus.




Reliquos si scruteris diligentius, nomen habent, quod  
vivunt; & mortui sunt. **WARZYCCIOS** in Orbe  
Polono vivere probant sæcula, testantur merita, ipsa  
etiam voluminis huius materia, gentilitia inquam  
Domus Illustrissimæ Litera, quid aliud exprimit  
quàm vivere **WARZYCCIOS**. Ex hac Domo quot  
Herodes, tot vivendi prodierunt exemplaria, quorum  
vel ad ipsam quoque memoriâ pagina hæc videtur ani-  
mari. Illustrissimus Dominus **MICHAEL** in Warzy-  
ce **WARZYCKI** Ensifer Regni Capitaneus Petri-  
coviensis dignissimus, Illustrissime Domine **PARENS**  
Tuus, singulis honoris sui vocabulis, singulares vi-  
tæ modos includit, ostenditque se non sibi tantum, nec in  
se ipso vivere, sed illis etiam, ac in illis, ad quos vel  
præcipua illius dignitas, vel singularis munificentia  
creditur pertinere. Id ipsum dum penna quoque, labo-  
rat exordiri, non verba, sed spiritus quosdam in pa-  
ginam fundit Martiales. **MICHAELIS** nomen non  
sine omine, primariam vitæ rationem indicat, Di-  
vini scilicet honoris zelum: absque hoc non bene vi-  
vitur, nemini quippe rectius vita impenditur, quàm  
illi à quo recipitur: cœlumne, an terra **MICHAEL**-  
**LEM** contineat, ubique illi cum Dei hostibus pugnan-  
dum; Divinus autem hostis, quisquis ab orthodoxa  
fide alienus. Hucusque forsitan Tribunalitia sedes  
Petricoviensis iniquissimam infidelium pateretur vi-  
ciniam, & Barcicense fanum hucusque Christianis illu-  
dere non cessaret ritibus, nisi & huius subversione,  
& illorum expulsionem **MICHAEL** procurasset.  
Regni Ensifer quasi unicus esset in obsequia patriæ  
destinatus, omnium quotquot in tutelam Patriæ su-  
stentat Heroum spiritu vivit, exhausto Reipublicæ  
corpori novum quendam infundit spiritum, dum in  
ejus obsequia hastatam unam, loricatam alteram sum-  
ptu proprio conservat cohortem. Præterea quoties  
cunq;



cunq; vel minimum Serenissimi Regnantis natum,  
nè dicam expressam percipit voluntatem, nihil ju-  
cundius reputat, quàm in simili præsto esse occasio-  
ne. Verus Poloni Atlantis Hercules, ipsa Superùm  
ordinatione sustentando Orbi Polono destinatus,  
ne fatiscat Atlas. Et quanquam alibi Civis Patriæ,  
alibi arbiter justitiæ, hîc Confusus, ibi Mars, ubiq; ta-  
men idem & nusquam sibi dissimilis WARSZYCCI-  
VS. Illustrissimi quondam Castellani Cracoviensis  
non degener sanguis magnitudinem nominis auxit-  
sumptâ in consortium lectissimâ ejusdem filiâ, vivum  
illius simulacrum in tantum exprimens, quidquid  
uel ad Principum juuamen, uel ad leuamen Patriæ  
spectare aduertit, sibi uni reputans injunctum, non  
omittit. Capitaneus Petricouienfis, hîc demum no-  
ua viuendi ratio, & quæ non vulgares concernat a-  
nimos, sed in subsidium aliorum destinatos. Gloria-  
ri nonnunquam licuit Augusto, quòd lateritiam na-  
ctus Romam, reliquerit marmoreâ. Quid de Illustris-  
simo Parente Tuo dicendum, qui dum nihil præter  
solam Petricoviæ planitiem invenerit, arcem extru-  
xit suâ, & omnium successorum personâ dignissimam.  
Neq; adhuc cessat ab opere, sed quidquid dignum  
immortali nomine reputat, non negligit, supremû  
in hoc munere imitatus Architectum, cui solenne fu-  
erat, supra petram ædificare. Et hæc est probatissi-  
ma Illustrissimo Parenti Tuo vivendi ratio, quam su-  
spiciunt plurimi, approbant universi. Taceo reli-  
qua, ne in innatam Vestræ Domui modestiam pec-  
care videar; quanquam dum ego taceo, ipsa loqvun-  
tur facta indefessum illius in promovendo cultu  
Divino laborem; quotqvot hîc Religiosi Ordines tot  
perpetua munificentiae WARSZYCCIANÆ muni-  
menta. Vnicam Scholarum nostrarum apello fidē,  
hæ quantum ab eodem experiantur affectum, nun-



quam condignè deprædicabunt, & quanquam ali-  
quid in laudem Vestram tentare vellent, nimium  
verentur, utpote nō ignaræ, nihil vobis magis quàm  
elogia displicere. Sed neq; hæc effugere potestis,  
cùm & hoc non incongruum encomij genus sit si-  
lentio laudari, & ea sit perfectæ virtutis industria,  
ut tam facilè facundis Oratoribus silentium impo-  
nat, quàm mutis facundiam. De Te verò dum lo-  
qui cogito Illustrissime Domine, quidpiam mihi ad  
aurem susurrat Apollo.



*Q*uod dico semper rursus idem loquor;  
Nil plena prosunt atria imaginum,  
Quas aut arvi, aut magni Parentes  
Nobilibus monumenta cerus  
Plene relinquunt. Strenua candidæ  
Ut quisq; tantum regna modestiæ  
Admisit in pectus, no vosq; vè  
Obtinuit generosa fasces  
Et vera virtus: hic Latys micat  
Omnino Gracchis pulchrior, eminet  
Hic major Augustis. Loquacis  
Vix alias adeuntur arces,  
Et claustra famæ passibus; intimis  
Quàm si medullis & probitas manet  
Admissa, & indoles honestæ  
Egreditur studiosa vitæ.  
Secus per ædes quæ nisi respicit,  
Et de paterno stemmate gloriam  
Meritur, in suisq; deses  
Nulla jacet monumenta factis.  
Inane lignum est, cui Galeas licet,  
Et tela, & arcus, & clypeos quoq;  
Appendis, & multo unde quoq;  
Conspicuas chlamydes cruore:  
Inane lignum, non ideo tamen  
Truncusq; dici destinet. Arboris  
Et sanguinis par sors; ut illa  
Quò senior magis, & vetusta,  
Hoc certius nil, quàm cariem timet  
Sentitq; sic & sanguis, ut ut calet,  
Defer vet ætatum per ipsam,  
Usq; adeo feriem, suisq;



*Vix quid relinquit vel nihil. Herculem  
 Nil esse magno progenitum Iove  
 Prodesset, in cunis minaces  
 Ni intrepidus lacerasset angues,  
 Et illa terræ monstra: velutq; aqua,  
 In fonte primo quæ riget, ultimis  
 Mitescit in Venis; & ampla  
 Quod ulterius proprios propagant  
 Fluenta fluxus, hoc citius ruunt  
 Ac detumescunt; sic generis decor  
 Magniq; natales, frequenter  
 Per nimiam minuuntur augem.  
 Non gleba tantum vilis inutiles  
 Producit herbas, est lolium suum  
 Et nobili solo, bonuq;  
 Sæpe Parens vitiosiore  
 Prolem relinquit. Magno etiam Iovi  
 Non semper ingens nascitur Hercules:  
 Martemq;, qui prius bibonem,  
 Mox iterum parit ille Bacchum.*

Aliud de Te dicendum, dum enim Te Paternis  
 inhærentem videt vestigijs, ita festinus ad Te decur-  
 rit honor, quasi unus illi in meta esses; & ut cum a-  
 lij, ita Te ille ultro requirit, utpote capacissimum  
 sui subiectum. Vtcunq; nemo ad honorem suum te-  
 studo, ad Te ille pernitem assumpsit Aquilam, ubi  
 Te primò Vielunensem Vexilliferum Orbi Polono  
 divulgavit, mox novum Arcopagus Polonus Lycur-  
 gum expetijt, ubi non Fortunam duntaxat, sed Pal-  
 ladem etiam sub Tuo militantem vexillo advertit.  
 Patuit quantum obsequia Tua placerent Themidi, à  
 cuius latere præsens Tibi oblatus honor, advertit se  
 nemini iustius præterquam Tibi destinatum. Suc-  
 cessisti SZCZAWINIANO Leoni à fatiis prostrato,  
 quatenus tam grandem jacturam in Tuo Volumine  
 connotares. Intulisti tecum tot decora, quot fan-  
 guine junctarum familiarum insignia, non quòd  
 Tibi domesticum serenum desit, sed ut constet o-  
 mnibus, quòd etiam cum Serenissimis proximam ha-



beat cognationem. Affulget quippe Domui Tuæ  
KORIBUTHEA Luna non jam cornuta, sed coro-  
nata in Serenissimo MICHAELE primo; nec vul-  
garem in hoc Volumine conficit asteriscū. WIERZ-  
BOWIANVS Accipiter, quàm vobis proximus  
sit, per annulum quidem indicat, sed magis per Il-  
lustrissimam Domicellam Illustrissimi IOANNIS  
CASIMIRI Comitis in Pilca & Ogrodzieniec Præ-  
fecti Oicoviensis lectissimam consortem. Odrowa-  
ziana Sagitta vestro militat honori in Illustrissimo  
IOANNE ODROWAZIO PIENIAZEK Palatino  
Siradiensi, Pericle Sarmatico fulmineâ svadâ Le-  
chici Tonantis honorem defendente: vnde quantus  
decor sit Voluminis Tui Illustrissime Domine, hinc  
colligendum, quòd etiam cœlestibus exornatum ap-  
pareat Hyacinthis. Accessit porro diligens aurei  
decoris Vestri custodia, in gentilitio Avitæ Domûs  
BYKOVIORUM Gryphe. Vnde quantum Vobis  
gloriæ, tantum nobis accrevit lætitiæ, qui beneficen-  
tissimæ nobis utriusq; Familiæ nunquam sine debita  
gratitudine possumus nō meminisse. Nec verò medi-  
ocrẽ Tomo huic auxesim facit amantissimus Germa-  
nus Tuus GEORGIUS Magni Nominis hæres, ex  
quo grande aliquid præfagire videtur Patria, & tan-  
tisper deliberat, quidnam sit generosæ illius indoli  
non incongruum oblatura. Ubi enim vel ex ipso  
nomine Martialem conijcit animum, in immanes  
hostium dracones paratum, optima quæq; de ulteri-  
ori successu auguratur. Nec immerito: postquam e-  
nim ille non levia Tui erga Patriam amoris advertit  
experimenta, dum scilicet verus Polonæ Aquilæ  
pullus Serenissimo IOANNI nostro in Budziaccensi-  
but campis opportuna contra Tauricanos Gigantes  
fulmina ministrares, hoc ipso verior Castor, non  
degenerem Pollucem Tuum visus es animare, ut

non



non jam alternis vicibus, sed eodem gloriæ lumine  
resplenderet. Passus tamen Te & per reverentiam,  
& fraternum affectum ad tanta præivisse decora,  
paulò post eundem immortalis famæ cursum ingres-  
surus. Interea Tu Illustrissime Domine felici passu  
progredere, quo Te propria evocarunt merita. Ex-  
cipit Te non sine ingenti lætitiæ sensu in applausum  
Tuum effusa tot tantorumq; Capitaneatûs Lancici-  
ensis Procerum corona, & quò securius resideas, cor  
offert in subsellium. Auget solennem ingressus Tui  
pompa Serenissimus Monarcha IOANNES III.  
expresso diplomate Paternum in Te affectum abun-  
dè testatus. Nos verò, quibus tanto applausui non  
licet interesse, indicem gestientis animi Volumini  
huic clausulam apponimus.

Prima hæc litera in calamum influit,  
cui tamen describendæ sæculis opus non annis.

**Feracissima meritorum Domus**

unicâ literâ laudes suas absolvi voluit,

Ac si potissimum merentis elogium mervisse.

Psittacorum est tönare quidquid egerint.

Salutaris semper Patriæ litera, hosti exitialis;

Et quæ integrum plerumq; Volumen ex se constituat.

**Vertitur obsequio Patriæ,**

**Dum W in literas X divisum**

**Crucem erigit, in quam hostes agat Sarmatiæ.**

**Ita suos habet Pausanias Polonia,**

A quorû quadriga, nō tā domesticis Philippis timendū quā extraneis monstris

**Hem! bellatori animo ipsa Nomina pugnant:**

**Et ubi minime putaverit, pænam reperit perfidia.**

Monosyllaba mors jam etiam ex unica litera constat.

Timuerit aliquando à literis Licinius, ab hac Patriæ hostis timet,

Quæ pugili impressa caractere, stylum profert Thraciæ fatalem.

**Abdank est,**

Et quidem redditam sonans gratiam, ubi tamen non vna sed mille gratiæ.



Cæsaris illum vox expressit, timidi quidem, Cæsaris tamen.  
Et hoc grande elogiū, ex Imperatorio ore progre-  
Vnde nulla communiter verba, nisi oracula.

Altius, quam par erat, evaserat Henrici tumor,

**Qvi Germanicus Antiochus**

In auro & tinnulis phaleris positam existimans victoriam,  
Thesauros Poloniae Legato fastuosius ostentabat.

**Sed depressa ambitio,**

Dum additum auro aurum, thesauris annulus ex Legati manu:  
Docuitq; Polona dexteritas quod ferro res eget & manu  
Inutiles gemmae Hydaspis vel Tago debentur, non Martiali Rubiconi,

Egit grates Henricus, & orbis simul didicit,  
Poloniam jam tunc temporis illam fuisse, cui Cæsares gratias agerent;  
Legatum tantum, qui Augustos etiam ditare posset;  
Admiratus alterum apud Sarmatas Scævola Germanus Porfena,  
Et adoravit indolem, cum virtus invidiam habeat etiam vectigalem.

**Argumentata tunc hostilitas,**

Quis esset Serenissimus Poloniae Sol, si tantus Phosphorus?  
Quæ fulmina à Krivousto Iove sperari debuerant,  
Si prodromus Alcides ijs tonitribus egit?

Risit Bellona, dum armorum tædia, in amorum tædas vertit:  
Et Habdancius, quem belli vel pacis Legatum Polonia legerat,

**Paranympum egit.**

Vbi illo, illo, quem ad Cæsaris opes adjecerat annulo,

Aldegundim Henrici sororem Boleslao,  
Christinam filio Vladislao postea secundo desponsavit.

**Memoria æternitati historia,**

Nisi quod stemmatis huius Familiae  
Tomos alios, & Volumina non quærun,

Vnicam hac literam contentam.

Quæ an integris non præstat bibliothecis?  
Cum à mille prope annis rem actam hucusque loquitur;

**Æternum locutura,**

Et magnis WARSZYCCIORVM operibus,  
Non duorum tantum, sed mille etiam Tomorum

**Ingens exhibitura**

**VOLUMEN.**





li

i,

1.

5

a,

2.



